

**UGOVOR**  
**o nabavci telekomunikacijskih usluga**

Zaključen između:

1. Agencije za bankarstvo Federacije BiH, ul. Koševo 3, 71000 Sarajevo koju zastupa Zlatko Barš, direktor (u nastavku: Agencija)

i

2. TELERAD d.o.o. Sarajevo, ul. Kotromanića 48, 71000 Sarajevo, ID broj: 4201090090003, kojeg zastupa Ermin Lihovac, direktor (u nastavku: Dobavljač)

Ugovorne strane su saglasne da na osnovu provedenog konkurentskog zahtjeva za dostavu ponuda za nabavku telekomunikacijskih usluga za potrebe Agencije, po osnovu provedenog postupka konkurentskog zahtjeva za dostavu ponuda, u skladu s ponudom Dobavljača, broj: **11/15 od 06.05.2015. godine**, koja čini sastavni dio ovog ugovora, zaključuje ugovor, kako slijedi:

**I. PREDMET UGOVORA**

Član 1.

- 1) Predmet nabavke su telekomunikacijske usluge deinstaliranja na postojećim lokacijama, preseljenja i reinstaliranja telekomunikacijske i opreme za snimanje sjednica na novoj lokaciji. Oprema je smještena u poslovnim prostorijama Agencije u poslovnom objektu Union banke d.d. u Sarajevu, Dubrovačka 6 i poslovnim prostorijama koje se nalaze u poslovno-stambenom objektu, Koševo 3 u Sarajevu. Tehnološka imovina preseljava se u nove poslovne prostorije Agencije, Zmaja od Bosne 47b u Sarajevu, prema uslovima zadanim u ovoj tenderskoj dokumentaciji.
- 2) Usluge preseljenja obaviti će se u dvije faze - prema vremenskom rasporedu koji će odrediti Agencija, kako slijedi:
  - **prva faza:** deinstaliranje, preseljenje i reinstaliranje opreme s postojeće lokacije (poslovne prostorije Agencije u Union banci d.d. u Sarajevu, Dubrovačka 6), na novu lokaciju, Zmaja od Bosne 47b u Sarajevu, uslugu je potrebno obaviti u roku od 3 (tri) dana od dana dobivanja naloga za izvršenje posla;
  - **druga faza:** deinstaliranje, preseljenje i reinstaliranje opreme s postojeće lokacije (poslovne prostorije Agencije u poslovno-stambenom objektu u Sarajevu, Koševo 3 na novu lokaciju, Zmaja od Bosne 47b; uslugu je potrebno obaviti u roku od 7 (sedam) dana od dana dobivanja naloga za izvršenje posla.
- 3) Dobavljač se obvezuje da će usluge iz stava (1) ovoga člana izvršiti pod uslovima navedenim u tenderskoj dokumentaciji, odnosno ponudi Dobavljača.

## II. CIJENA I NAČIN PLAĆANJA

### Član 2.

1) Cijena usluga iz člana 1. ovog ugovora iznosi:

- za prvu fazu preseljenja: **4.563,00 KM**, s uračunatim PDV-om,
- za drugu fazu preseljenja: **24.242,40 KM**, s uračunatim PDV-om

Sveukupna cijena usluga, za prvu i drugu fazu posla, iznosi: **28.805,40 KM** (slovima: **dvadesetosamhiljadaosamstope i 40/100**)

- 2) U cijenu iz stava 1) ovog člana uključeni su svi troškovi i naknade koje Dobavljač može imati u toku i u cilju realizacije ovog ugovora.
- 3) Ugovorena cijena je fiksna i nepromjenjiva cijelo vrijeme trajanja ovog ugovora i ne podliježe bilo kakvim promjenama.
- 4) Agencija će iznose iz stava 1) ovog člana platiti u dva dijela – po obavljenim fazama posla, nakon potpisivanja zapisnika o primopredaji predmeta ugovora, u roku od 30 dana od dana prijema fakture za plaćanje.

## III. ROK IZVRŠENJA USLUGA

### Član 3.

Dobavljač se obavezuje da će usluge iz člana 1. ovog ugovora izvršiti u rokovima navedenom u tenderskoj dokumentaciji i njegovoj ponudi.

## IV. TEHNIČKI PRIJEM OBAVLJENIH USLUGA

### Član 4.

Agencija, odnosno njeni ovlašteni predstavnici, u prisustvu ovlaštenih predstavnika Dobavljača, izvršit će tehnički prijem obavljenih usluga, odnosno sačiniti zapisnik o obavljenom poslu, u cilju utvrđivanja da li su usluge obavljene u skladu sa zahtjevima iz tenderske dokumentacije, odnosno ugovorenim uslovima.

Agencija će imenovati ovlašteno lice, koje će vršiti stalni nadzor nad obavljanjem posla, do okončanja svih poslova predviđenih ugovorom.

### Član 5.

U slučaju da prilikom tehničkog prijema usluga Agencija utvrdi da iste ne ispunjavaju postavljene zahtjeve, te da imaju vidljive nedostatke, Agencija ima pravo da odbije prijem takve usluge. Svi troškovi u vezi sa obavljanjem dodatnih poslova u smislu prethodno navedenog, kao i drugih troškova i šteta koje bi mogli proisteći s tim u vezi, padaju na teret Dobavljača.

## Član 6.

Dobavljač se obavezuje:

- a) deinstalirati, preseliti i reinstalirati opremu na novoj lokaciji, prema zahtjevima navedenim u tenderskoj dokumentaciji u ugovorenim rokovima;
- b) Agenciji omogućiti provođenje postupka kontrole ugovorenih usluga, odnosno ocjene njihovog kvaliteta i usklađenosti s uslovima navedenim u tenderskoj dokumentaciji;
- c) na zahtjev Agencije obustaviti obavljanje usluga ukoliko se utvrdi da se iste izvode nekvalitetno i mimo ugovorenih uslova;
- d) otkloniti sve nedostatke koji mu budu predočeni od strane predstavnika Agencije za prijem usluga;
- e) o svom trošku, nakon obavljenih usluga, ukloniti iz svih uredskih i drugih prostora u kojima će obavljati poslove u vezi s preseljenjem sav otpadni materijal koji nastane u toku obavljanja poslova;
- f) o svom trošku otkloniti sve štete prouzrokovane obavljanjem usluga, kao i nedostatke koji su uočeni prilikom prijema usluga, te snositi sve troškove i obaveze proizašle iz ugovora;
- g) o svom trošku otkloniti sve štete koje eventualno prouzrokuje prilikom obavljanja usluga u poslovnim prostorijama Agencije, koje nisu predmet preseljenja;
- h) potpisati zapisnik o primopredaji predmeta ugovora;
- i) dostaviti fakturu za plaćanje.

## Član 7.

Obaveze Agencije su:

- a) da Dobavljaču pruži neophodne informacije u vezi s isporukom usluga;
- b) da potpiše zapisnik o primopredaji predmeta ugovora;
- c) da izvrši plaćanje na osnovu primljene fakture.

## V. GARANTNI ROK

### Član 8.

- 1) Garantni rok za obavljene usluge iz ovog ugovora iznosi 2 (dvije) godine, računajući od dana potpisivanja zapisnika o primopredaji predmeta ugovora, kojim se konstatuje uspješno izvršenje poslova.
- 2) Dobavljač je obavezan da u garantnom roku otkloni eventualno nastale nedostatke koji su u vezi s predmetom nabavke u najkraćem mogućem roku, a najkasnije u roku od 24 (dvadesetčetiri) sata, od prijema obavijesti o utvrđenom nedostatku.
- 3) U slučaju da se Dobavljač ne pridržava obaveza i roka iz stava 2) ovog člana, Agencija će za svaki puni sat kašnjenja nakon isteka roka od 24 sata zaračunati ugovornu kaznu u skladu sa ovim ugovorom. Agencija ima pravo primjene ugovorne kazne do trenutka angažmana trećeg lica iz stava 4) ovoga člana.
- 4) U slučaju da Dobavljač u roku od 24 (dvadesetčetiri) sata od trenutka prijema obavijesti od strane Agencije ne otkloni nedostatak koji je u vezi s predmetom nabavke, Agencija je ovlaštena da angažuje treće lica i nastalim troškovima tereti Dobavljača, bez posebnog prethodnog upozorenja i saglasnosti Dobavljača.

*Le*

## VI. UGOVORNA KAZNA

### Član 9.

- 1) Ukoliko Dobavljač ne izvrši svoje obaveze u ugovorenom roku, dužan je za svaki dan zakašnjenja plati ugovornu kaznu u iznosu od 0,10 % ugovorene cijene, za koju se prilikom plaćanja umanjuje iznos za plaćanje, o čemu će prethodno obje ugovorne strane (ukoliko je potrebno) sačiniti odgovarajuće knjigovodstvene isprave. Ukupna vrijednost ugovorene kazne koja se plaća ne može iznositi više od 5 % vrijednosti ugovora.
- 2) Ukoliko Dobavljač ne izvrši svoje obaveze u skladu sa rokom iz člana 8. stav 2) ovog ugovora, bit će dužan Agenciji za svako pojedinačno kašnjenje, platiti ugovornu kaznu u iznosu od 25 (dvadesetpet) konvertibilnih maraka za svaki puni sat kašnjenja, za koju se prilikom plaćanja umanjuje iznos za plaćanje od strane Agencije, o čemu će prethodno obje ugovorne strane (ukoliko je potrebno) sačiniti odgovarajuće knjigovodstvene isprave.
- 3) Dobavljač je, također, dužan platiti Agenciji svaku štetu koja joj je prouzročena, odnosno koju je pretrpjela zbog zakašnjenja s izvršenjem usluge.
- 4) Ovlašteni službenik Agencije obavezan je pratiti poštovanje rokova od strane Dobavljača i voditi evidenciju eventualnih kašnjenja.
- 5) Ukoliko Agencija ne izvrši svoje obaveze iz člana 2. ovog ugovora, obavezna je Dobavljaču za svaki dan kašnjenja, platiti zakonsku zateznu kamatu prema propisima Federacije BiH.
- 6) U slučaju postojanja potraživanja po osnovu ugovorne kazne/zatezne kamate, ugovorna strana na čijoj je strani potraživanje je obavezna pismenim putem obavijestiti drugu ugovornu stranu o visini i načinu obračuna potraživanja po osnovu ugovorne kazne/zatezne kamate i roku u kojem je isti obavezna platiti. U slučaju iz ovog člana svaka ugovorna strana može, za period do izjašnjenja druge ugovorne strane po osnovu primljenog obavještenja, privremeno bez štetnih posljedica po sebe, zaustaviti tok ugovorenog roka za izvršenje svojih obaveza u pogledu plaćanja i izvršenja usluga.
- 7) Svaka ugovorna strana može u roku od 10 (deset) kalendarskih dana od dana prijema obavještenja staviti prigovor u pogledu načina obračuna i visine ugovorne kazne/zatezne kamate, ali ne i samog prava na istu koje proizlazi iz ovog ugovora i izvršnosti plaćanja iste koja nastupa istekom roka iz ovog stava.

## VII. RASKID UGOVORA

### Član 10.

- 1) Ugovorne strane su saglasne da, ukoliko jedna od ugovornih strana propusti ispuniti ovim ugovorom propisane obaveze, odnosno ne postupa u skladu s njegovim odredbama, druga ugovorna strana ima pravo jednostrano raskinuti ugovor, na osnovu izjave date u pisanoj formi.
- 2) Ugovorna strana čijom krivicom ili nepažnjom, odnosno neizvršavanjem ugovorenih obaveza je došlo do jednostranog raskida ovog ugovora, dužna je drugoj ugovornoj strani naknaditi štetu, zbog raskida ovog ugovora.

g.e.

## VIII. ZAVRŠNE ODREDBE

### Član 11.

Za sve što nije regulisano ovim ugovorom, primjenjivat će se odredbe Zakona o obligacijskim odnosima.

### Član 12.

Sve eventualne sporove koji mogu nastati u provedbi ovog ugovora ugovorne strane rješavati će sporazumno, u duhu dobrih poslovnih odnosa i uzajamnog povjerenja, u direktnim pregovorima. Ukoliko se sporazumno rješenje ne postigne, ugovara se nadležnost suda u Sarajevu.

### Član 13.

Sve izmjene ovog ugovora mogu se vršiti isključivo i samo uz pismenu suglasnost obiju ugovornih strana.

### Član 14.

Odredbe ovog ugovora izraz su volje ugovornih strana, te ga iste odriču pobijati.

### Član 15.

Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

### Član 16.

Ugovor stupa na snagu nakon što ga potpišu ovlašteni predstavnici obiju ugovornih strana.

Agencija



Broj: 05-1388-12/15

Datum, 11.06.2015. godine

Dobavljač



Broj:

Datum,

16.06.2015

GLE